

## Verklags- og úthlutunarreglur

### 1. gr. Um sjóðinn

Starfsemi Fræðslusjóðs Kjalar fer eftir samþykktum sem gilda um sjóðinn.

### 2. gr. Réttindi í sjóðnum

- a. Einungis félagsfólk Kjalar stéttarfélags getur fengið styrk úr sjóðnum og þarf það að hafa verið greitt félagsgjöld í a.m.k. 6 mánuði á síðustu 12 mánuðum.
- b. Við ákvörðun styrkuppþæðar er miðað við greidd félagsgjöld síðustu 12 mánaða. Til þess að njóta fullra réttinda í sjóðinn þurfa félagsgjöld að vera a.m.k. kr. 20.000,-. Hlutastarfandi er veittur styrkur í hlutfalli við greidd félagsgjöld sl. 12 mánuði.
- c. Félagssfólk þarf að vera í starfi bæði þegar sótt er um styrk og hann notaður.
- d. Stjórn sjóðsins er heimilt að taka tillit til uppsafnaðra réttinda hjá öðrum sjóðum innan BSRB félaga og annarra eftir atvikum eða sérstökum samningum milli félaga.
- e. Félagssfólk sem ekki hefur íslensku að móðurmáli getur sótt um styrk vegna íslenskukennslu eftir að hafa greitt félagsgjöld í einn mánuð, þó aldrei hærrí upphæð en hámarksréttur segir til um.
- f. Félagssfólk í atvinnuleit sem greiðir stéttarfélagsgjöld getur nýtt sér áður áunninn rétt.
- g. Falli greiðslur í sjóðinn niður vegna veikinda, fæðinga/foreldraorlofs eða launalauss leyfis skal meðhöndla þann tíma eins og um greiðslur hafi verið að ræða svo framarlega sem ráðningarsamband sé virkt, skila þarf inn staðfestingu atvinnurekanda á því.
- h. Félagssfólk sem lætur af störfum vegna aldurs eða örorku heldur aðild að sjóðnum í 24 mánuði eftir að greiðslu iðgjalda lýkur.

### 3. gr. Fjárhæðir styrkja náms/námskeið

- a. Hámarksfjárhæðir styrkja
  - Félagssfólk getur að hámarki fengið allt að kr. 150.000,- í styrk á 12 mánaðar tímabili.
  - Félagssfólk sem ekki hefur nýtt rétt síðustu 36 mánuði á rétt á styrk allt að 350.000,- fyrir eitt samfellt nám/námskeið samkvæmt reglum sjóðsins að uppfylltum skilyrðum 2. gr. úthlutunarreglna þessa.
- b. Hvað er styrkt:
  - Nám í framhaldsskóla og nám sem eykur almenna starfshæfni til dæmis á sviði tölvutækni, sjálfsstyrkingar og tungumála er styrkhæft óháð starfi, allt að kr. 150.000.
  - Lífsleiknínámskeið (tómstundanámskeið) og starfsréttindanáms án beinnar tengingar við starf, allt að kr. 130.000,- á 12 mánaðar tímabili. Aldrei er þó greitt meira en sem nemur 80% af námskostnaði.
  - Styrkur vegna ökuréttinda og aukinna ökuréttinda, allt að kr. 150.000,-
  - Grunnám og meistaranám á háskólastigi er styrkt, allt að kr. 75.000,-
  - Skipulagðar ráðstefnur, náms- og kynnisferðir sem tengjast starfi, innanlands sem og erlendis, allt að kr. 130.000,- Sé sambærileg námskeið þegar í boði innanlands er ekki greiddur ferðakostnaður ef námskeiðið er haldið erlendis.
  - Ferðakostnaður innanlands vegna þekkingaöflunar samkvæmt nánari skilgreiningum. Ef vegalengd frá lögheimili að námsstað eða millilandaflugvelli er lengri en 100 km eru greiddar kr. 25.000,- að hámarki á 12 mánaða tímabili. Ef vegalengd er lengri en 250 km eru greiddar kr. 50.000,- að hámarki á 12

mánaða tímabili. Skila þarf inn staðfestingu á mætingu frá skóla/fræðsluaðila. Allt að kr. 50.000,-

c. Hvað er ekki styrkhæft:

- Uppihald og fæðiskostnaður, ferðir innan borga og sveitarfélaga, bensínkostnaður, launatap og námsgögn.
- Námskeiðskostnaður maka, barna, eða aðra nákomna er ekki styrktur.
- Námskeiðskostnaður sem þá þegar hefur verið styrktur úr öðrum sjóði er ekki styrktur.

#### **4. gr. Umsókn**

Umsóknum skal skila með rafrænum hætti á mínum síðum Kjalar stéttarfélags. Sé viðeigandi gögnum ekki skilað innan 3 mánaða frá dagsetningu umsóknar er litið svo á umsækjandi hafi dregið umsókn sína til baka.

#### **5. gr. Umsókn og gögn**

a. Umsækjendur skulu vanda frágang umsókna sem þeir senda sjóðnum. Í umsókn þarf að tilgreina:

- Lýsingu á námskeiði eða verkefni.
- Hvenær fyrirhugað er að sækja námskeið eða náms- og kynnisferð.
- Aðrar upplýsingar sem skýra umsókn.

b. Með umsókn þarf að fylgja:

- Reikningur vegna námskeiðs- eða skólagjalda skal vera númeraður og stimplaður og eiga sannanlega uppruna sinn í bókhaldi viðurkenndrar námsstofnunar.
- Greiðslukvittun á nafni umsækjanda og/eða staðfesting á skólavist ef við á þar sem fram kemur greiðsla skólagjalds/innritunargjalds.

c. Heimilt er að endursenda ófullnægjandi umsóknir.

#### **6. gr. Um greiðslur úr sjóðnum:**

a. Umsækjandi sem hlotið hefur styrk úr sjóðnum á s.l. 12 mánaða tímabili getur að hámarki hlotið styrk sem nemur ónotuðu hlutfalli af hámarksfjárhæð.

b. Sjóðstjórn getur ekki heimilað frávik frá hámarksfjárhæðum.

#### **7. gr. Útborgun styrks**

a. Greiðslur úr sjóðnum fara fram eftir að umsækjandi hefur gert grein fyrir kostnaði með því að leggja fram afrit löglegra reikninga.

b. Skólagjöld eru greidd út við upphaf skólaárs eða -annar.

c. Aðrir reikningar, s.s. vegna ferðakostnaðar skulu vera númeraðir og stimplaðir og sannanlega tilkomnir vegna kostnaðar við námstækifæri. Reikningurinn skal einnig vera merktur með nafni og kennitölu sjóðsfélaga.

d. Ferðastyrkur er ekki greiddur fyrr en ferð lokinni. Hafi styrkur ekki verið innheimtur innan 6 mánaða frá dagsetningu tilkynningar um styrkveitingu, fellur styrkurinn niður.

#### **8. gr. Tíðni styrkveitinga og afdrif umsókna**

a. Félagsfólk með full réttindi getur fengið hámarksstyrk sbr. 3. gr. verklags- og úthlutunarreglna þessara. Þannig getur félagsfólk sótt um fleiri en einn styrk á tímabilinu, þar til hámarksupphæð er náð.

b. Umsókn um styrk verður að berast innan árs frá lokum náms/verkefnis. Ekki er unnt að skila inn reikningi sem er eldri en 12 mánaða.

- c. Tvígreiðsla eða ofgreiðsla. Ef mistök verða í afgreiðslu styrkumsóknar eða við greiðslu styrks munu starfsmenn sjóðsins leitast við að leiðrétta þau eins fljótt og hægt er. Félagssóknir skal tilkynna sjóðnum ef um ofgreiðslu er að ræða og endurgreiða ofgreidda upphæð þegar í stað.
- d. Ef umsækjandi dregur umsókn sína til baka áður en styrkur er greiddur þá hefur umsóknin engin áhrif á réttindi umsækjanda hjá sjóðnum.

#### **9. gr. Skattskyldir styrkir**

- a. Námskeiðsstyrkir eru skattskyldir, en heimilt er að færa kostnað til frádráttar ef námskeiðið tengist starfi styrkþega.
- b. Óheimilt er að færa frádrátt á móti styrkjum vegna lífsleikninámskeiða (tómstundanámskeið) eða annað það sem telst eingöngu persónulegur kostnaður.
- c. Upplýsingar eru veittar til skattýfirvalda. Veittir styrkir eru forskráðir á skattskýrslu.

#### **10. gr. Málskot**

Heimilt er að vísa ágreining um úthlutun eða réttindi til stjórnar Kjalar stéttarfélags.

#### **11. gr. Endurskoðun verklags- og úthlutunarreglna**

- a. Verklags- og úthlutarreglur þessar skulu sæta endurskoðun í maí ár hvert út frá fjárhagsstöðu sjóðsins.
- b. Reglurnar geta tekið breytingum samkvæmt ákvörðun stjórnar og eru þær kynntar á heimasíðu félagsins.

#### **12. gr. Gildistaka**

Reglur þessar voru samþykktar í desember 2022 og taka gildi frá 1. janúar 2023. Við gildistöku falla úr gildi eldri verklags- og úthlutunarreglur og aðrar ákvarðanir sem ekki eru í samræmi við reglur þessar.